



**Francisci Monacelli Eugubini J. U. D. Protonotarii  
Apostolici, olim Ecclesiae Venusinae, ac deinde Aesinatis  
Vicarii Generalis, &c. Formularium Legale Practicum Fori  
Ecclesiastici**

In Quo Formulæ Expeditionum usufrequentium de his, quæ pertinent ad  
Officium Judicis nobile, continentur ; Opus Episcopis, Vicariis Generalibus,  
Aliisque Iurisdictionem quasi Episcopalem exercentibus: necnon  
Confessariis, Parochis, Cancellariis, cæterisque in dicto Foro versantibus,  
apprimè utile ...

**Monacellus, Franciscus**

**Venetiis, 1706**

Licentiæ fundandi Monasterium Form. XIX.

---

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

quasi mortuum significat, utpotè à Christi corpore, tamquam palmitem à vite præcisum. Tertio, quod conculcatio candelæ pedibus facta, patefacit, excommunicatum sic ab Ecclesia ejectum, traditum esse Dæmoni torquendum, & ab eodem, & Angelis ejus in Inferno conculcandum, nisi respiscat. Quarto, quod excommunicatus in hac vita infervit Diabolo, qui potestatem habet in eo, sicut in pecore, & utitur eo, sicut rusticus asino.

Licentiæ celebrandi Missam pro Sacerdote alienæ Diœcesis statim non discessuro.

FORMULA XVIII

SUMMARIUM.

i Licentiâ Missam celebrandi in Diœcesi, Presbyteris exteris, quibus conditionibus sit concedenda.

N. Vescovo N.

**C**oncediamo licenza di celebrare la Santa Messa nelle Chiese di questa Città, e Diocesi (eccettuate le Chiese delle Monache) al R. D. N. d'età d'anni . . . . Sacerdote della Diocesi N. come consta per lettere commendatitie del suo Ordinario in data delli . . . . esibite nella nostra Cancellaria, colle infrascritte conditioni.

Che non habiti in case dove siano Donne; Non tenga Serva, ò Massara in casa sua benche Parente, senza nostra licenza in scritto.

Che nelli giorni Festivi assista nella Chiesa Parochiale, sotto cui sarà la sua habitatione, alle Messe cantate, e Funzioni solenni.

Che debba confessarsi sacramentalmente almeno una volta la Settimana, e notarsi ogni volta, che celebrerà Messa, nel Libro della Chiesa ove avrà celebrato.

Che porti la chierica, e tonsura decente de' capelli, e celebri sempre in Città con veste talare sotto pena di sospensione à Divinis, intendendosi proibite per quest'effetto le vesti finte, e lacere.

Che nella renovatione della presente licenza debba portar fede giurata del Parocho, ò del Confessore d'aver adempite le dette conditioni, e d'essere vissuto esemplarmente, altrimenti non gli si concederà altra licenza, e la presente vaglia per sei mesi. In fede &c.

N. Vescovo (ò Vicario Generale) N.

Luogo ✠ del Sigillo.

N. Cancelliere Vescovale.

ADNOTATIO.

**C**OLLE INFRASCRITE CONDITIONI. Conditiones, quæ includuntur in hac Formula licentiæ pro Sacerdotibus exteris, & ad tempus commoraturis in Civitate, aut alio loco Diœcesis, sunt valde utiles ad explorandos mores Presbyterorum vagantium, & sæpè adventantium ex causa non bona, à Diœcesibus conterminis: Undè Episcopus in praxi

ab illis non recedat, quia ipsum non pœnitebit servasse.

Licentiæ fundandi Monasterium.

FORMULA XIX.

SUMMARIUM.

i Regulares Sancti Francisci Ordinis Minoris Observantia Mo-

- Monasteria non possunt erigere sine consensu Diffinitorii Provinciae.
- 2 Ordinarius non potest concedere licentiam nova Monasteria fundandi, nisi servata forma Const. Apostolic. Clem. VIII. & Gregor. XV. & Urbani VIII.
  - 2 Constitutiones Apostolicæ pro erigendis novis Conventibus sunt servandæ etiam extra Italiam.
  - 4 Neque in translatione Conventus, qui fit in alio situ ejusdem loci.
  - 5 Etiam si fiat propè alium Conventum non servata distantia à privilegiis opponentium requisita, & n. 6. 7. 8. & 9.
  - 10 Declaratur Decretum contrarium.
  - 11 Nec servandæ sunt in Domibus Congregationum Presbyterorum secularium collegialiter viventium.
  - 12 Item servandæ sunt in erectione Conventuum tam Regularium Mendicantium, quàm non Mendicantium.
  - 13 Item in reassumptione Conventus antea derelicti.
  - 14 In reassumptione Conventus derelicti, non reassumuntur jura precedentia, nisi expressè concedantur.
  - 15 Hospitia Regularium non sunt toleranda, nisi servatis conditionibus præscriptis à Sacra Congregatione, & num. 16.
  - 17 Non tamen servandæ sunt dictæ Constitutiones in erectione Monasteriorum Monialium, & n. 18.
  - 19 Conservatoria non fundantur, neque eriguntur, sed tolerantur, & afferuntur exempla, & n. 20.
- Conservatoria licet visitentur ab Episcopo non per hoc censentur approbata.
- 21 Quæ sint observanda in erectione Conventus Monialium.
  - 22 Moniales debent stare sub jurisdictione Ordinariorum, & afferuntur exempla n. 23. 24. & 25.
  - 26 Monasterii unius fundatio acquirit antianitatem pro aliis Monasteriis ejusdem Ordinis.
  - 27 Religiosi Ordinis S. Francisci non possunt in fundatione recipere assignamenta pro victu, neque legata perpetua Missarum.
  - 28 Regulares, qui bona possident in communi, licet privilegio Mendicantium gaudeant, possunt ad novam Conventus fundationem admitti cum obligatione non quæsuandi.
  - 29 Et etiam cum obligatione, & prohibitione acquirendi stabilia, etiam sine Beneplacito Apostolico.
  - 30 In concessione licentiæ pro nova fundatione Conventus præservandæ sunt jura Parochi.
  - 31 In fundatione novi Conventus exigitur simul consensus Ordinarii, & Sedis Apostolicæ.
  - 32 Licentia fundandi nova Monasteria potest dari à Vicario Generali, nisi habeat speciale mandatum.
  - 33 Fundationes Cappuccinarum non admittuntur sine certo, & perpetuo Asscuratore.
  - 34 Asscuratores debent esse loca pia: At aliquando admittuntur etiam personæ particularos facultatibus idoneæ, & afferuntur exempla.
  - 35 Moniales non debent habere prospectum in Ecclesiam secularium, nec Regularium virorum.

N. Episcopus N.

**T**ibi R. P. N. Ordinis N. Provinciae N. Provinciali, ut unà cum Diffinitorio, cujus consensum exhibuisti, ac servatis in reliquis Constitutionibus Ordinis, constito Nobis duodecim Religiosos tuæ Religionis commodè sine aliorum detrimento sustentari posse, Monasterium, seu Conventum in loco N. hujus nostræ Diocesis extruere, & fundare possis, sine tamen præjudicio Ecclesiarum Parochialium dicti loci, ac nostræ Cathedralis, licentiam, & facultatem, quantum ad Nos spectat, concedimus, & consensum præstamus,

Monacelli Form. Pars I.

P

dum.

dummodò aliquid revelans, quod fundationi obstare possit, non superveniat. Datum &c.

N. Episcopus N.

Loco ✠ Sigilli.

N. Cancellarius Episcopalis.

ADNOTATIONES.

1. **C**UJUS CONSENSUM EXHIBUISPI. Apud Minoritas Observantes, nova Monasteria non eriguntur, neque jam erecta deferuntur sine consensu Diffinitorii Provinciae, ut testatur Lantusc. in *Theat. Regular. verb. Conventus num. 6.* & propterea si agatur de fundatione Monasterii hujus Religionis, consensu Diffinitorii non exhibito, non erit locus erectioni, quamvis cætera requisita concurrant, *Sac. Congreg. Episcop. in Aquinaten. pro loco Arcis 12. Februar. 1694.*

2. **CONSTITO NOBIS.** Licentia Ordinarii pro novis erigendis Monasteriis, præsertim mendicantium, non est concedenda, nisi constituto, quod Religiosi de novo introducendi possint absque præexistentium detrimento congruè sustineri, & servata forma Constitutionum Apostolicarum Clem. VIII. & Gregorii XV. ut tradunt Pasqualig. ad Lauret. de *Frac. par. 1. n. 421.* qui propositionem hanc sic firmat: *Cum autem debeat Ordinariis constare de commoda sustentatione absque præexistentium detrimento, si verè non constaret, nulliter procederent concedendo erectionem, & graviter peccarent, nam in re gravi violarent Constitutionem Pontificiam.*

Idem similibus verbis firmat quoque Ventrigl. *prax. rer. notabil. p. 1. adnotat. 18. n. 10.* ibi-- *Nota primò, quod Episcopus, vel alius ordinarius, non debet concedere licentias pro erectione novorum locorum, nisi servata forma prædictarum Constitutionum, & signanter, non nisi eis constituto, quod in loco erigendo duodecim Religiosi ali, & inhabitare possint, & nu. 22.* ibi-- *Nota tertio in hujusmodi novis erectionibus debere constare Ordinariis, Religiosos in statuto numero duo-*

*decim posse absque detrimento aliorum Regularium intrà distantiam quatuor milliarium commode, & congruè manuteneri.*

3. Constitutiones autem, de quibus hic sermo est, innovavit, & iterum servari mandavit Urb. VIII. sua Bulla impressa in *rom. 4. Bullar. la 25.* quæ servandæ sunt non solum in Italia, sed etiam in aliis Provinciis ultra Montes, ut declaravit *Sac. Congreg. Propagandæ Fidei de anno 1638.* teste Nicol. in *fosc. verb. Conventus n. 1.* & iterum roboravit Innoc. X. Constitutione, quæ incipit *Instaurandæ* §. 5. & omnes in Appendice hujus Operis per extensum dabuntur.

4. **EXTRVVERE, ET FVNDARE.** Non sunt enim prædictæ Constitutiones servandæ in translatione Conventus, qui fit in alio situ ejusdem loci, vel ob periculum ruinæ fabricæ Conventus antiqui, vel in salubritatem aeris, vel aliud grave incommodum; quia hæc non dicitur nova fundatio, & oppositiones aliorum Regularium obstare non valent sic respondit *Sac. Congreg. Episcop. in Gerunden. 19. Septembr. 1687.* his verbis: *Sacra &c. in causis, & causis vertentibus inter Fratres Carmelitas Calceatos Civitatis Gerunden. ex una, & PP. Societatis Jesu, Carmelitas Excalceatos ejusdem Civitatis, & litis consortes partibus ex altera, de, & super translatione, fundatione, & constructione Ecclesiæ, & Conventus dictorum Fratrum Carmelitarum Calceatorum in Domibus de Abrich per ipsos inhabitatis, partibus auditis, referente Eminentissimo S. Cecilie censuit, & declaravit, supradictæ translationi, fundationi, & constructioni Ecclesiæ, & Conventus eorundem Fratrum Carmelitarum Calceatorum in præfatis Domibus de Abrich, Constitutiones Apostolicas non observare.*

stare. Cujus Decreti exemplar authenticum habeo.

5. Verumtamen si translatio fieret ad situm, in quo reperirentur constructi alii Conventus, qui privilegium habent, quod nova Monasteria non erigantur, nisi servata certa distantia, dubium oriretur, an Regulares præexistentes possent se opponere translationi? Nam cum aliàs contigisset casus inter PP. Cappucinos, & Min. Observantes Corleonis Diæcesis Montis Regalis, Sac. Congreg. Episcop. sic respondit--*Særa, &c. ad relationem Eminentissimi Cæsarini, utraque parte informante, iterum negotio maturè discusso, censuit Constitutiones, & Decreta Apostolica super novorum Conventuum erectionem edita, etiam in qua parte disponunt de distantia servanda inter Conventus jam erectos, & erigendos, non habere locum cum mutatur situs Conventuum jam erectorum in eodem loco ac proinde standum esse in decisis, præmissis, cæterisque contrariis non obstantibus Romæ 9. Maii 1642. cujus Decreti exemplar est apud me pariter authenticum.*

6. In alia verò Panormitana inter PP. Olivetanos, & PP. Carmelitas Calceatos, in qua opponebatur distantia novæ fabricæ Conventus transferendi, ad relationem clar. mem. Petrucci sub die 1. Junii 1696. respondit--*Non esse locum translationi.*

7. Et in Argentina inter PP. Cappucinos, & PP. Minores de Observantia Reformatos, in qua pariter opponebatur intercapedo novæ fabricæ, ad relationem Card. Denkoff. sub die 28. Martii 1697. censuit--*Essè locum translationi factò verbo cum Sanctissimo.*

8. Et, denum, quod translatio Conventus non sit licita, non servata distantia juxtà privilegia aliquarum Religionum, quatenus fiat oppositio, tenent Donat. *prax. rer. Regular. tit. de Monaster. edific. tom. 1. par. 2. tract. 1. quæst. 26. num. 6. 7. & 8. Passerin. in cap. unico num. 87. de excess. Prælat. in sexto*, qui Authores plura Decreta allegant, quibus eorum opinio comprobata remanet, Pignatell. *conf. 12. tom. 10.*

9. Ast horum sententia licet de juris rigore videatur verior, ex eo quia privi-

legiis de distantia ex diversa causa concessis nullibi derogatum appareat: Nihilominus, ut experientia demonstrat, non servatur in magnis Civitatibus, non solum quia privilegia hujusmodi sunt antiquata, sed etiam quia de æquitate, quod tibi non nocet, & alteri prodest, concedere compelleris, *l. 2. §. Item varrus, ff. de acqu. plur. arc. & magna æquitas temperat rigorem juris, ut loquendo de servitutibus dicit Tusch. litt. P. conclus. 863. n. 12. Præjudiciaque non ex ista nova causa, sed à jam præexistenti proveniunt.*

10. Sicque tenendum arbitror, quod quando nova fabrica non extollatur ad æmulationem, aut inde notabile præjudicium luminibus vicinæ non inferat, vel servitutum intolerabilem prospectus non inducat, aut imponat, Regulares præexistentes non possint se opponere translationi, quamvis distantia à privilegiis requisita non servetur; & hoc probant Decreta suprà relata in Montis Regalis, & in Agrigentina; quibus contrarium non est aliud emanatum in Panormitana, quia Olivetani, qui translationem postulabant succubuerunt, non quia unice eis obfaret distantia opposita à Carmelitanis, sed præcipue quia Ordinarius assensum translationi non dederat: ut patet ex toto integro rescripto in Voto dictæ Causæ extenso tenoris sequentis--*Non esse locum translationi, & scribendum Archiepiscopo juxtà mentem, & mens est, quod exquiratur præcisà mens, & voluntas Archiepiscopi.*

11. Neque sub lege dictarum Constitutionum comprehenduntur Congregationes Presbyterorum secularium collegialiter viventium, & sola auctoritate. Ordinarii fundatæ, & erectæ, ità decisum refert Nicol. *in fosc. verb. Conventus n. 1. ibi--Sub Decreti super erectione novorum Conventuum non comprehenduntur Congregationes Presbyterorum secularium in communi viventium, erectæ auctoritate ordinaria 1623. Capaccio 13. Januarii; Et hanc sententiam tenuit quoque Sac. Congregat. Concil. 9. Augusti 1625. Ex lib. 12. Decret. fol. 298. & fusè tuetur (contraria explosa) Passerin. in cap. unico num. 35. & seqq. de excess. Prælat. in sexto tom. 3. pag. mibi 369.*

12. Verùm è contra servanda sunt in erectione Conventuum Religiosorum tam Mendicantium, quàm non Mendicantium, quia præjudicium præexistentium consideratur non tantùm quoad quæstum, sed etiam quoad receptionem Sacramentorum, & ex quocumque alio capite resulant, Pasqualig. ad Franch. part. 1. qu. 22. n. 480. Pignat. consult. 179. nu. 41. & 42. tom. 1. & à PP. Societatis Jesu, ut probat Fagnan. in cap. Non amplius n. 52. & 53. de instt. Sac. Congregat. Epis. in Montis Regalis 21. Aprilis 1690.

13. Item servanda sunt ab illis Regularibus, qui redeunt ad Monasteria, quæ antea dereliquerant, ut respondit Sac. Congreg. Episcop. Archiepiscopo Turritano 17. Novembris 1617. his verbis. Cum Archiepiscopus Turritanus sacram hanc Congregationem consulisset, an in re assumptione Conventuum Fratrum Minorum de Observantia sue Diocesis, quos ipsi jam pridem deseruerant, servandum sit Decretum Fel. record. Clemen. Papæ VIII. super novorum Conventuum erectione editum, Illustrissimi ejusdem Congregationis PP. id omnino servandum esse censuerunt.

14. Et hinc oritur, quod in re assumptione Conventus derelicti, & postea ex gratia restituti, non reviviscunt jura præcedentiæ, quibus antea Regulares illius potiebantur super alios existentes in loco: Nisi fortè restitutio concederetur ex justitia, vel etiam ex gratia, sed plenariè quoad omnia: Cæterùm si Regulares restituantur simpliciter ad locum, præcedentia in Processionibus, & aliis actibus, debetur præexistentibus, quia talis re assumptione, seu restitutio habetur pro nova foundatione, Sac. Congregat. Rituum in Senogallien. Præcedentiæ referente Eminentissimo Pamphilio 21. Januarii in prima, & 1. Septembris 1696. referente in secunda Causæ propositione clar. mem. Card. Petruccio.

15. Item, non solum Decreta Apostolica servanda sunt in foundatione Conventuum, sed rigidius in aperitione Hospitiorum, quæ permitti nullatenus debent ab Ordinariis, (postquam Regulares ob sinuerint licentiam à Sacra Congregatio-

ne) nisi ad unguem servatis conditionibus pro Hospitiis præscriptis in sequenti Decreto emanato in Casu Calaguritana de Bilbao, quod est. Patres Carmelitas Discalceatos posse continuare in Hospitio, vel potius ipsum reducere ad Hospitium Sæculare cum habitations, quæ tantummodo deseruiat pro recipiendis Religiosis itinerantibus, quod in illo nulla servetur forma Regularis, non erigatur Ecclesia, seu Oratorium formale cum Janua in publica via, sed tantum Oratorium internum ad effectum inibi Missas, & Orationes privatas pro eorum spirituali usu tantum celebrandi. Quod in illo Sacramenta non administrantur, nec fiant publicæ Conciones, nec Divina, aliæque functiones peragantur, nec tumulentur Cadavera, nec retineatur campana, nec aliquod signum, quod vero Conventui adaptetur, & transcendat naturam, & conditionem meri, & simplicis Hospitii Sæcularis, addita prohibitione quæsuandi, necnon quod Regulares ad illud se transferentes non assumant titulum Præsidentis, vel alterius Officialitatis, subjiciendo ulterius in casum contraventionis ipso facto pœnis contra Religiosos degentes extra Clausura, non obstante quacumque exemptione, aliisque arbitrio Sac. Congreg. Et quod super observantia præmissorum Provincialis, & Diffinitorium validè se obligent coram Episcopo, qui Instrumentum dictæ obligationis ad eandem Sac. Congregat. transmittat. Romæ decimaquinta Septembris 1690.

16. Hanc Hospitii legem eadem Sac. Congreg. Episcop. & Regular. servari mandavit in Arrien. Hospitii à PP. Discalceatis S. Augustini 31. Augusti 1691. & in Voliterna à Carmelitis Discalceatis 5. Decembris 1692. in utraque referente clar. mem. Card. Petruccio. Undè si Episcopus in sua Diocesi Regulares contra præscriptam formam hospitari reperiat, utatur jure suo, & Sac. Congreg. instructam reddere festinet.

17. An verò censura dictarum Constitutionum comprehendat fundaciones Monasteriorum Monialium: Tambur. de jur. Abbat. disput. 33. quæst. 1. per tot. Donat. de Regular. tom. 1. par. 2. tract. 1. quæst. 21. pariter per tot. tenent, quod sic. Sed

Sed tu unà cum Pasqualig. ad *controv. de Franch. par. 1. n. 478. & 489.* contrarium sequere, sicuti & ipse sequor. Quia Monasteria Monialium non fundantur in paupertate, sed cum assignatione, & redditibus certis, qui sufficiant pro illarum manutentione; cessatque omne aliud prejudicium à Constitutionibus Apostolicis, & DD. consideratum tam quoad quæstum, quàm quoad perceptionem Sacramentorum, ac elemosynarum pro Missis, necnon Sepulturæ.

18 Et hanc sententiam verissimam esse demonstrat praxis Sac. Congr. quæ requisita Constitutionum Apostolicarum, de quibus nunc loquimur, non exigit pro Monialibus, sed habita informatione, & consensu Episcopi Ordinarii, ac constituto fabricam Monasterii esse capacem, & in omnibus suis partibus absolutam, dotemque esse tutam, ac sufficientem saltem pro duodecim Monialibus, concedit gratiam foundationis, nemine alio vocato, ut decies, & vigesies per spatium 14. annorum, vidi, præ manibus Decreta habui, & extendi.

19 Conversatoria autem Puellarum, quæ collegialiter vivunt absque Votis solemnibus, & Clausura, non eriguntur, neque fundantur, sed tolerantur ad custodiendam honestatem Puellarum pauperum Virginum, ac Patre, vel Matre carentium: Et ideo pro his fundandis, neque pro illorum gubernio non expediuntur Decreta Sac. Congregat. sed liberè relinquuntur sub cura Ordinariorum locorum permissivè: Et exemplum habemus in una *Imolen.* in qua cum PP. Olivetani Beneplacitum Apostolicum postulassent pro alienatione Ecclesiæ S. Matthæi cum Horto, & Domuncula ruinam minantibus, in Tertiarias S. Dominici pro fabrica Conservatorii, & Ordinarius favorabiliter informasset, sub die 20. Februarii 1693. ad relationem clar. mem. Card. Petrucci, fuit responsum -- *Dilata, & informant omnes, & ad mentem. Mens est, quod Sac. Congr. non approbat Conservatoria neque expressè, neque tacitè, sicuti eveniret, si concederetur Beneplacitum.*

20 In Congregatione Concilii 14. Februarii 1699. cum exponeretur sic -- In *Monacelli Form. Pars I.*

Civitate Panormi adsunt plures Congregationes Mulierum sub habitu, & regula Sanctæ Mariæ de Mercede, Divi Dominici, & S. Theresiæ Vota simplicia dumtaxat emittentium, & nullam habentium obligationem perpetuæ Clausuræ. Ad instar istarum congregatæ de anno 1697. nonnullæ piæ, & devotæ Mulieres cum licentia Archiepiscopi in quadam privata Domino animo ducendi vitam communem sub regula, & ordine Visitationis B. Mariæ Virginis à Divo Francisco Salesio instituto, supplicarunt nuper Sanctissimo pro facultate tam induendi habitum dictarum Monialium cum sola emissionem Votorum simplicium, quàm erigendi Cappellam, seu Oratorium pro Missis ibidem audiendis, Sacramentisque recipiendis absque necessitate accedendi ad Ecclesiam PP. Oratorii, sub quorum directione degunt. Remissis autem precibus ad hanc Sac. Congregat. pro Voto datæ fuerunt litteræ ad Archiepiscopum, qui exposita confirmat, & censet posse in omnibus indulgeri; undè exquiritur in præsentem Congregationem -- An, & quomodo petite facultati sit annuendum. Sacra Congregatio respondit -- *Negative.* Et meritò, quia hujusmodi Congregationes Mulierum sunt contrà dispositionem Bullæ Pii Quinti. Quibus autem istæ Virgines collegialiter viventes sint capaces, vide *Cyriac. contrav. 504.*

Et licet Conservatoria hujusmodi ab Episcopo visitentur, non per hoc censentur approbata, *Sac. Congreg. Concil. 1608. apud Nicol. lucubr. can. lib. 3. tit. 29. de visit. ampl. 11.*

21 In erectione autem Monasterii Monialium Episcopus antequam consensum præbeat, præ oculis habeat sequentia. Primò, quod bona pro Dote foundationis assignata sint tuta, & sufficientia pro vita communi. Secundò, quod non erigatur in loco parvo, & in quo copia Confessariorum non adest, vel nisi Moniales sint tam facultosæ, ut exterum Confessarium valeant sustentare, *Sac. Congregat. Episcop. 13. Septembris 1583.* Tertiò, quod non erigatur propè Monasteria Virorum, juxta dispositionem *Canon. Monasteria puellarum 18. quest. 2. & Decreto-*

cretorum novissimorum in *Asculana* 5. *Maii* 1690. & in *Brundusina* 16. *Januarii* 1693. Quarto, quod fundator Monasterii potest in limine foundationis apponere conditiones sibi bene visas, quamvis juri communi contrarias, & dummodo non sint turpes, & contra bonos mores, vel jura sibi non reservet, quibus sit incapax, puta eligendi Abbatissam, *glos. in cap. nobis vers. vel expens. de jur. patr. Add. ad Buratt. decis. 1. num. 15. & ideo tenetur Episcopus illas admittere, ne laici à foundationibus retrahantur, cap. Eleutherius 18. quæst. 2. clem. quia contingit de relig. Dom. Gonzal. ad regul. 8. Cancell. glos. 5. n. 47. 102. & 103. Barbol. supra Concil. cap. 9. sess. 22. de refer. n. 27. & 28. Lotter. de re benef. lib. 1. quæst. 32. num. 14. & 15. Quinto, quod Moniales cujusvis ordinis, & regulæ sint, debeant ad evitandas dissensionem, & jurgia subiacere jurisdictioni Ordinarii, non autem Regularium, sine qua conditione constanter consensum dare renuat; quia hæc conditio, quod novæ Moniales subiacere debeant jurisdictioni Regularium, & non proprii Ordinarii, cui de jure defertur, *cap. cognovimus 18. quæst. 2. inter injurias repouenda est, & privatorum dispositio non debet, nec potest generalem Constitutionem Canonum immutare, Innoc. in cap. Lateranen. num. 5. de præb. & dignit. Piafec. prax. Episc. par. 2. cap. 3. art. 5. de visit. benef. simplic. num. 9. Passerin. in cap. religiosus, §. sanè num. 106. & seqq. de testam. in 6. Sexto, quod præfigatur numerus Monialium, Sacr. Congr. 27. *Maii* 1603.**

22 Et non tantum expedit, quod Monasteria Monialium de novo erigenda subiciantur locorum Ordinariis, sed etiam jam fundata, ut melius clausura custodiatur, & non solum id petentibus Monialibus, ut evenit in *Orilien.* 18. *Augusti* 1690. contra Augustinianos, in *Malacitana* 21. *Martii* 1697. contra eosdem, in *Januen.* 24. *Januar.* & 13. *Martii* 1698. contra Min. Observantes, & in *Vicen.* in *Hispania* 18. *Februar.* 1701. contra Carmelitanos Calceatos, in quarum ultima exemptæ fuerunt Moniales a jurisdictione Regularium non obstante fundatoris dis-

positione, sed etiam ex officio auctoritatem habentis, & ad omnem simplicem recursum, & querelam mali regiminis, quia est materia favorabilis, & fit reditus ad jus commune, *d. cap. cognovimus 18. quæst. 2.*

23 Ad quod prudenter animadvertens Sac. Congr. in una *Salernitana* pro *Universitate Terræ Ebuli*, in qua petebatur restitutio Monasterii Monialium derelicti, & extincti usque de anno 1633. ob defectum personarum, quod subiciebatur regimini Monachorum *Cassinen-* sium, constituto, quod redditus multiplicati ascendebant ad scutor. 400. annua in bonis stabilibus, ad relationem Eminentissimi Card. Colloredi 13. *Februar.* 1692. fuit concessa restitutio cum clausula --- *Dummodo Monasterium sub jurisdictione immediata Archiepiscopi remaneat.*

24 Et in alia *Pampilonen.* ad relationem clar. mem. Card. mei *Petrucii* noluit fundationem pro Monialibus *Recolle-* ctis exalceatis approbare, ex quo jurisdictioni PP. Min. de *Observantia* se se sponte subiciebant, sed jussit scribi Ordinario juxta instructionem dandam à Cardinali *Ponente*, sub die 20. ejusdem mensis *Fe-* bruarii 1699.

25 Et ejusdem sensus fuit Sac. Congr. Concilii, quæ de mense *Maii* 1699. tenendo votum traditum ab eodem Card. *Petrucio* in alia *Ulyssiponen.* novam fundationem *Conventus* pro Monialibus *Con-* ceptionistis concessit, & approbavit sub conditione, quod jurisdictioni Ordinarii plenarie subicerentur.

26 Modoque redeundo ad erectionem *Conventuum* virorum notandum est, Primo, quod fundatio unius *Monasterii* acquirit antianitatem pro aliis *Monasteriis* ejusdem ordinis, licet posterius, & recentior fundatis, *Lantusc. theatr. regular. verb. præcedentia num. 11. Pignatell. consult. 19. num. 13. tom. 4. Card. de Luc. de præminen. disc. 25. num. 5.*

27 Secundo, quod in fundatione *Con-* ventuum Min. de *Observantia*, *Re-* formatorum, *Recollektorum*, & *Capuc-* norum Ordinis, & *Regulæ S. Francisci*, non debent recipi, nulloque modo admitti obligationes, & præstationes annuæ



næ Universitatum, aut particularium Benefactorum, neque legata, & onera perpetua Missarum, aliudque assignamentum pro manutentione Religiosorum introducendorum; quia horum omnium sunt hi penitus incapaces, nec absque culpa gravi, & violatione Regulæ, hæc recipere, aut possidere sub quovis palliato nomine possunt. Etenim Beatissimus Franciscus suam Religionem in vera paupertate fundavit, & vult, & præcipit, quod ejus filii, & sequaces, amplectantur regulam sine glossa, & in dies ex ostiaria mendicitate vivant, ut observat Carol. Ant. de Luc. ad Ventrigil. part. 1. adnot. 1. §. 4. n. 3. & plenissimè declaravit Rot. in Turritana legatorum sub diebus 10. Januarii 1695. & 6. Aprilis 1696. cor. Emerix, cujus votum exquisierat, & exequi postea mandavit Sac. Congr. Episcop. & Regul. sub die 24. Maii 1697.

28 Tertiò, quod cæteri Regula res, qui possessionis bonorum, & annuorum reddituum capaces sunt, quamvis Ordinum Mendicantium sint, possunt ad novas fundaciones admitti, recepta eorundem obligatione non quæstuandi, ut admittit Sac. Congreg. Episc. in Tortonen. pro PP. Scholarum Piarum ad relationem clar. mem. Card. Petrucci sub die 4. Julii 1692. in qua rescripsit --- Annuendum fundacioni cum strictissima obligatione non quæstuandi.

29 Immo, quod possint admitti cum prohibitione acquirendi stabilia, etiam absque beneplacito Apostolico, probat Nicol. lucubr. can. lib. 3. tit. 31. de regular. post num. 16. vers. opinio Bussebau. quam sententiam non solum libenter sequor, sed optarem quod id, quod est facultatis, fieret provisione, & Decreto Apostolico tam pro erigendis, quam pro jam erectis, necessitatis. Quia cum Regulares possidentes, & Collegia habentes, ubique terrarum diffusi, majorem partem facultatum, & substantiarum secularium jam absorberint, adeo ut hodiè laici Universitatum, & locorum pane indigeant, ne calamitatibus, & miseris (quæ hac nostra tempestate justo Dei judicio inundaverunt faciem terræ) magis in dies premantur, necessariò su-

per hoc consulendum, & providendum videtur.

30 SINE TAMEN PRÆJUDICIO ECCLESiarUM PAROCHIALIUM.

Jura Parochialia præservanda sunt, ne Parochi jam ob multitudinem Regularium ad nihilum redacti, & quasi ob exiguam partem antiquarum præminentiarum, quam hodiè retinent, contempti, Curam negligendo, etiam mendicare cogantur, prout præservari jussit Sac. Congreg. in Tiburtina fundacionis Conventus 28. Febr. 1698. referente Eminentissimo Acciajolo.

31 QUANTUM AD NOS SPECTAT.

In novis fundacionibus non solum exigitur consensus Ordinarii sed etiam Sedis Apostolicæ copulativè, & tam intrà, quam extra Italiam, & ultra Montes, prout firmavit Rot. coram Cels. dec. 60. & num. 97. & in Cesaraugustana fundacionis Conventus 18. Maii 1657. coram Bevilacqua; quod est contra Fagnan. in cap. non amplius de institut. num. 71. putantem, quod ultra Montes fundaciones fieri possint cum sola licentia Ordinariorum.

32 Hæc autem licentia dari non potest à Vicario Generali Episcopi, nisi ad hoc habeat speciale mandatum, Barbof. supra Concil. sess. 25. cap. 3. num. 30. de regul. Donat. prax. rer. regular. tom. 1. part. 2. tract. 1. quæst. 18. Pasqualig. ad Laur. de Franch. part. 1. num. 505. Nicol. in fosc. verb. Conventus sub num. 3.

33 Si verò ageretur de fundacione Monasterii Monialium sub rigorosa primitiva Regula S. Claræ, quæ bona immobilia & stabilia possidere non valent, tunc deberet dari perpetuus assecurator victus, aliàs erectio non admittitur, ut præter antiquiora Decreta relata à Nicol. in fosc. verb. Capuccini num. 6. & verb. Monasterium n. 7. iterum declaravit Sac. Congreg. Episc. in Ispalen. fundacionis Conventus Capuccinarum Madriti 6. Julii 1696. referente Eminentiss. Colloredo.

34 Et quamvis assecuratores hujusmodi non debeant esse personæ privatae, sed Confraternitates, aut alia loca pia, quæ habeant facultates sufficientes ad manutenendas dictas Moniales, ut

præscribunt dicta Decreta à Nicolio supra relata : Nihilominus, in una Brixiën. 18. Julii 1692. pro assecuratione victus novæ foundationis Conventus Cappuccinarum in loco Caprioli, fuerunt admiffæ obligationes validæ duorum Nobilium Venetorum : & in alia Veronen. 18. Aprilis 1698. in fundatione alterius Conventus ejusdem Regulæ concessa Terræ Lonati, fuerunt admiffæ obligationes legaliter stipulatæ duorum particularium dicti loci facultatibus idoneorum, in utraque referente clar. memor. Card. Petruccii.

35 Et tandem advertat Episcopus, quod nullo modo debet permitti, quod in fundatione Monasterii, nec postea Moniales habeant prospectum, vel retineant Crates correspondentes in Ecclesia Presbyterorum sæcularium, sive Regularium pro audienda Missa, sub prætextu, quod non possint ob illorum paupertatem manuteneere Cappellanum: sed ubi inveniat adesse, & retineri, omninò mandet removeri: prout ita fieri jussit Sac. Congr. Episcoporum. in Trojana adversus Moniales Annuntiatæ Foggie ad relationem clar. mem. Card. Petrucci 27. Februarii 1693. quæ cum parere distulissent variis excusationibus, iterum recurrentibus Canonicis Collegiatæ, in quorum Ecclesia prospectus in vim Concordiæ retinebatur, 16. Novemb. 1696. eadem Sac. Congr. rescripsit -- Episcopus omninò intra mensem Decreta Sac. Congregationis exequatur, & procedat ad destructionem transitus.

Licentia exponendi Eucharistiam.

F O R M U L A XX.

S U M M A R I U M.

- 1 Regulares non possunt publicè exponere Sacramentum Eucharistiæ sine licentia Episcopi.
- 2 Neque alii exempti, non habentes jurisdictionem in populum.
- 3 Confraternitate laicorum exponentes de licentia Ordinarii Eucharistiam,

Parochus si velit, & non Cappellanus benedicat populum.

- 4 Licentia exponendi publicè Eucharistiam est danda Regularibus in scriptis, & de ratione.
- 5 Licentia simpliciter concessa pro unica vice intelligitur data.
- 6 Licentia non extenditur ultra petita.
- 7 Licentia differt à gratia, quia illa non ligat successorem, secus in gratia.
- 8 Regulares, pro quibus rebus, & casibus teneantur licentiam petere ab Episcopo.
- 9 Regulares in pluribus subjiciuntur jurisdictioni Episcopi, & enumerantur casus à num. 10. ad 28.  
Regulares in civilibus nisi habeant Conservatorem conveniuntur coram Episcopo.
- 29 Regulares Religionis suppressæ non remanent liberati à votis.
- 30 Regulares in quacumque alienationis specie tenentur petere, & obtinere licentiam à Sac. Congr. Concilii.
- 31 Licentia alienandi datur à Sac. Congr. Concilii gratis.
- 32 Regulares Dominicani non habent jurisdictionem visitandi Confraternitates erectas in eorum Ecclesiis.
- 33 Neque superintendentiæ spiritualis super illas, quæ reperiuntur erectæ extra illorum Ecclesias.
- 34 Regulares non possunt apponere Interdictum in Ecclesia ipsi subjecta.
- 35 Regulares possidentes bona in communi tenentur solvere procuratorem Visitatori Apostolico.
- 36 Regulares non possunt ab Episcopo ordinari extra tempora, nisi habeant Indultum speciale, & non per communicationem.
- 37 Abbates, & alii Superiores Regulares nequeunt residere in privatis domibus.